



Pa Voorzitter di Tweede Kamer  
di Staten-Generaal  
Postbus 20018  
2500 EA DEN HAAG

**Ministerio di Asunto  
Interior y Relacion di Reino**  
DGOBDR  
Democratie  
Turfmarkt 147  
Den Haag  
Postbus 20011  
2500 EA Den Haag

**Kenmerk**  
2024-0000172577

**Bo kenmerk**

**Anexo(nan)**  
5

Fecha 22 di april 2024

Referente Carta trayecto di progreso disculpa pasado di sclavitud

*"Nos no ta busca daño pa ningun hende, sino nos ta busca nos libertad. No ta tur hende riba tera ta descendiente di Adam y Eva? Mi a comete un eror pa libera mi bintidos rumannan for di prizon, unda nan tabata inhustamente sinta? Pader, asta un animal ta keda miho trata cu nos, si e keda herida, e ta keda cuida",* heroe di resistencia Tula a yega di bisa. E palabranan ta conmevedor, pero tambe palabranan magnifico cu ta duna e palabranan libertad y igualdad un caracter universal.

Durante ultimo lunanan cu a pasa a tuma paso importante siguiendo e disculpa pa pasado di sclavitud. Cu e carta aki nos ta informa Kamer tocante progreso di e trayecto, manera compromete den e carta di 23 di juni 2023.<sup>1</sup>

#### *Guia di lesa*

Akibou ta sigui un retrospectiva di e sesion di dialogo cu a tuma luga durante e ultimo mitar di aña na Hulanda Europeo y e reunion di progreso na Sint Maarten y na Den Haag. Nos lo bay enfoca riba e resultadonan, manera a priminti pa secretario di estado di BZK (paragraf 1).<sup>2</sup> Despues lo informa Tweede Kamer tocante e proposicion pa uzo propone pa e €33,3 miyon cu a pone disponibel pa intensificacionnan di maneho na Hulanda Europeo y parti Caribense di Reino (paragraf 2). Lo haci mescos pa e areglo di subsidio pa iniciativanan social (paragraf 3). Despues lo enfoca riba e trayecto na Suriname (paragraf 4). Na final lo describi e situacion actual tocante e Comite di Conmemoracion y e Aña di Conmemoracion di Pasado di Sclavitud (paragraf 5), Museo Nacional di Sclavitud (paragraf 6) y introduccion di legislacion tocante trato igual na Boneiro, Sint Eustatius y Saba (paragraf 7).

## **1. Dialogo**

### 1.1 Sesion di Dialogo na Hulanda Europeo

E mitar aña cu ta tras di lomba tabata caracteriza pa dialogo. Fin di 2023, Ministerio di Asunto Interno y Relacion di Reino (BZK) en colaboracion cu e bureau di investigacion TrueTalk a organisa sesion di dialogo na Hulanda Europeo.

<sup>1</sup> Documentonan di Tweede Kamer I 2022/23, 36284, nr. C.

<sup>2</sup> Documentonan di Tweede Kamer 2023Z17730.

**Fecha**

22 di april 2024

**Kenmerk**

2024-0000172577

Cu e participantenan, nos a discuti con e Comité di Conmemoracion pa pasado di sclavitud mester ta, y con e areglo pa iniciativanan social pa Hulanda Europeo mester wordo forma.

A tene discusion tocante esaki cu 270 descendiente, reparti durante 18 dia, den henter e pais y online. Na momento di selecciona participante, nos a tene cuenta mas cu tur cos posibel na diversidad den edad, involucramento organisatorio y emocional, y background cultural pa sigura inclusion di tur comunidad di descendiente. E sesion di dialogo a clarifica atrobe cu e consecuencia di nos pasado ainda ta visibel y sensibel den presente. Desigualdad ta un tema profundo cu ta afecta hende personalmente. Y ta trata di tur background, grupo y cultura.

E resultado di e sesion di dialogo a keda considera na momento di prepara e concepto di areglo di subsidio pa iniciativanan social pa Hulanda Europeo. E areglo aki mester ta accesibel pa organizacion chikito, pa asina no cay den proceso di peticion complica. Tambe nos ta tuma cuenta di e percepto relaciona cu e acto di conmemoracion. E Comité di Conmemoracion di Reino ta ricibi e percepto cu nos a haci como punto di salida. Resultado di e sesion di dialogo a wordo poni hunto den un raport final. E raport ta añadi como anexo (mira Anexo 1).

Boso Kamer a pidi Minister di BZK dia 28 di november 2022 pa manda un copia di su contesta riba e carta di Dialooggroep Boneiro data 3 di november 2022 tocante colonialismo y pasado di sclavitud, y e desaroyo di e raport 'Ketenen van het verleden'.<sup>3</sup> Esaki a keda haci di tal manera (mira Anexo 2). Despues di e disculpa pa pasado di sclavitud riba 19 di december 2022, BZK a bay den combersacion cu e Grupo di Dialogo Boneiro.

## 1.2 Encuentro di progreso

Desde e carta di progreso di 23 juni 2023 pasa, a tuma luga dos encuentro di progreso riba 1 y 2 di oktober na Sint Maarten y riba 31 di januari na Den Haag. Representantenan di e diferente comunidadnan involvi tabata presente na e sessionnan aki. Durante tur dos encuentro a discuti e puntonan di salida y cuadro pa tanto areglo pa iniciativanan social como e Comité di Conmemoracion den henter reino cu descendientenan y otro interesado. Lo inclui e resultadonan di esaki den e elaboracion di e trayecto cu ta continua. E encuentronan di continuacion a subraya un biaha mas importancia di un proceso sigur, cu participacion activo di descendientenan y otro interesado den tur fase di e trayecto.

## 2. Intensificacionnan di maneho

Riba 15 di februari ultimo nos a informa Kamer tocante e reparticion geografico di e recursonan pa intensificacionnan di maneho y e areglo pa iniciativanan social<sup>4</sup>. Akibou nos ta splica con y riba ki tema e €33,3 milyon pa intensificacion di maneho na Hulanda Europeo ta haya forma. Banda di esey nos ta splica e pasonan cu nos ta tuma pa yega na e uzo di e €33,3 den e parti Caribense di Reino. Den paragraf 4 nos lo splica e trayecto di continuacion pa Suriname.

<sup>3</sup> Documentonan di Kamer 35925 VII, nr. 167.

<sup>4</sup> Documentonan di Kamer 2023-2024, 36284 nr. 36.

## 2.1. Intensificacionnan di maneho pa Hulanda Europeo

### *Cambio di number gratis*

Manera anuncia den e carta di 19 di december 2022, Ministerio di Husticia y Seguridad (JenV) ta trahando riba e ley temporal pa cambio di number sin gasto pa descendientenan di personanan sclavisa, prome cu un posibel areglo structural. Pa e plan aki gabinete ta pone €14,9 miyon na disposicion for di e fondo di pasado di sclavitud.

Raad van State a duna conseho riba e concepto di Decision pa cambio di fam di descendientenan di personanan sclavisa y subsidio temporal riba 7 di maart 2024.<sup>5</sup> E conseho aki ta sostene e direccion tuma pa haci e areglo accesibel pa descendientenan di personanan sclavisa y e manera cu ta provee den e posibilidad pa cambia number gratis. Nos ta haci esfuerso pa laga e desicion aki drenta na vigor pa 1 di juli 2024.

### *Maneho contra discriminacion*

Gabinete lo sigui lucha mas fuerte pa combati discriminacion y racismo, manera a menciona den reaccion di Gabinete di 19 di december 2022. Pa sigui aumenta e visibilidad, e facilidad pa yega na nan y e accesibilidad pa notifica e facilidadnan antidiscriminatorio (despues di esaki: ADV-nan), Ministerio di BZK lo desaroya y implementa comunicacion publico den 2024 y 2025, conforme e campaña 'Meld het wél! Discriminatie.nl'. Gabinete ta pone na disposicion €1,7 miyon pa esaki for di e fondo di pasado di sclavitud.

E ADV-nan a cuminsa traha hunto bou di number Discriminatie.nl desde 1 di januari ultimo. Tambe a lansa e meldpunt nacional cu e website [www.discriminatie.nl](http://www.discriminatie.nl) y e number di telefon 0800-0880. Pa e campaña 'Meld het wél! Discriminatie.nl', Ministerio di BZK a duna un subsidio for di e presupuesto regular, y no a uza e fondo di pasado di sclavitud.

Ministerio di Asuntonan Social y Empleo (SZW) lo laga ehecuta un sintesis di conocimiento tocante racismo diario cu ta resulta for di e pasado di sclavitud. Den un sintesis di conocimiento, informacion cu ta sali for di investigacionnan existente ta keda combina cu investigacionnan cu intervencionnan existente den practica. E meta ta pa haña un miho comprendemento di con e pasado di sclavitud ta impacta experencia di discriminacion y racismo den e temponan actual. Ademá, ministerionan di BZK y SZW hunto lo laga haci un estudio exploratorio den 2024 pa wak con diferente partido durante un periodo di mas aña por propaga un norma comunitario den comunidad pa evita discriminacion y racismo. E estudio ta concentra riba un posibel enfoke, participacion di partidonan y presupuesto necesario. For di e estudio exploratorio aki mester sali afo cua partidonan lo posiblemente por haci esaki. E partidonan por ta publico of priva, manera gemeente, institucionnan di enseñansa, sindicatonan, organisacionnan di empleo of dunado di trabou y empresanan. E sintesis di conocimiento y e investigacion exploratorio tin como obhetivo pa trece visibilidad riba

<sup>5</sup> <https://www.raadvanstade.nl/adviezen/@141121/w16-23-00392-ii/>.

**Fecha**

22 di april 2024

**Kenmerk**

2024-0000172577

intervencionnan cu ta contribui na preveni discriminacion y racismo. Gabinete ta inverti aki €3,8 miyon for di e fondo di pasado di sclavitud.

Tambe, Ministerio di SZW lo establece un Red di Educativo Pasado di Sclavitud (Leernetwerk Slavernijverleden) pa e municipionan. E red educativo aki ta ofrece guia na municipionan pa duna contenido na e influencia di pasado di sclavitud den propio contexto local y intercambia conocimiento cu otro. Gabinete ta inverti aki €1,1 miyon for di e fondo di pasado di sclavitud.

*Patrimonio*

Manera a compromete den e carta di 19 di december 2022, gabinete lo sigui inverti den mantencion y desaroyo di museo, archivo y proteccion di herencia cultural. Den coleccion di museo y archivo existente, tin fuente tocante pasado di sclavitud. Tambe tin organizacion cu ta traha hunto cu un comunidad di herencia pa traha fuente nobo y conserva, y comparti y discuti storia riba esaki ampliamente. Ta importante pa descendiente tin un papel central den esaki. Cu medio poni na disposicion, nos lo sostiene instituto cu ta ofrece e perspectiva di herencia cu variedad di stem aki. Consulta ta tuma luga actualmente tocante e forma y contenido. Gabinete ta pone na disposicion aki pa e aña 2024-2034 €4,5 miyon for di e fondo di pasado di sclavitud.

*Programa di investigacion plurianual*

Riba 15 di juni 2023 a aparece *Staat en Slavernij*.<sup>6</sup> Pa duna direccion y inspiracion na estudio independiente, Regiegroep di Koninklijk Instituut van Taal-Land- en Volkenkunde (KITLV), Internationaal Instituut voor Sociale Geschiedenis (IISG), Universidad di Corsou y Instituto Nacional pa Pasado di Sclavitud Hulandes (NiNsee) a presenta un agenda di conocimiento riba 12 di april ultimo (mira Anexo 3).

Cu e entrega di e agenda di conocimiento aki e Regiegroep a keda formalmente disolvi. E gabinete ta reconoce y aprecia e Regiegroep su contribucion na e tema importante aki y e resultadoan impresionante cu e contribucion aki a conduci na dj'e. E agenda di conocimiento ta forma e base pa e programa di investigacion plurianual cu lo investiga e impacto compleho cu e pasado di sclavitud tin den temponan actual. Pa duna un impulso inicial na e programa di estudio di plurianual, gabinete ta pone disponibel €1,7 miyon for di e fondo di pasado di sclavitud.

Cu uzo di e recursonan aki, gabinete ta priminti cu nan lo ta disponibel di un manera hopi accesibel pa investigadonan den henter Reino. Asina, por duna oportunidad tambe na investigadonan cu no ta afilia na un universidad of institucion, por ehempel, pa bin na remarke, of si ta trata di historia oral.

---

<sup>6</sup> Documentonan di Kamer II 2022-2023, 36284 nr. 31.

**Fecha**

22 di april 2024

**Kenmerk**

2024-0000172577

Ministerio di Enseñansa, Cultura y Ciencia (OCW) ta iniciado di un programa di investigacion di varios año tocante pasado colonial di esclavitud Hulandes y ta pone un suma di € 1,5 milyon disponible por di e presupuesto di OCW pa esaki. E iniciativa aki ta un programa den e Plan di Ciencia Nacional (Nationale Wetenschapsagenda/NWA) y ta ehecuta pa e Organizacion Hulandes pa Investigacion Cientifico (Nederlandse Organisatie voor Wetenschappelijk Onderzoek/NWO). NWO ta co-financia e programa, resultando den realizacion di un programa di € 3 milyon. NWA ta ofrece departamentonan y otro gobiernonan e espacio pa ta activo riba programanan di investigacion riba tereno di problematicanan social importante.

E idea ta pa den e programa di pasado di esclavitud aki, busca maneranan nobo di investigacion cu por haci e formanan cu e pasado di esclavitud tin impacto riba e sociedad den temponan actual, cu no a haya suficiente atencion, mas visible. E buskeda pa renovacion aki pa yega na conocimiento nobo lo tuma lugar den conexion cu e comunidad. E agenda di conocimiento di e Regiegroep ta acopla bon na e preguntanan general y por funciona como guia pa desaroyo di e investigacion. Na momento di yena e programa, Ministerio di OCW ta traha hunto cu NWO, Ministerio di BZK, descendientenan y otro interesadonan.

*Centro di Conocemento*

Ta trahando riba un museo nacional di Esclavitud na Amsterdam. Lo duna mas aplicacion mas detayadamente tocante esaki den paragraf 5. Fuera di un funcion museal, e Museo di Esclavitud tambe tin un funcion di conocimiento. Pa motibo di esaki, ta traha banda di un museo fisico riba un red di conocimiento museal y ta explorando opcionnan pa acceso na e museo di manera digital. Gabinete ta reserva un total di €3 milyon por di e fondo di pasado di esclavitud pa esaki.

Den e siguiente fase di desaroyo di e museo, lo sigui elabora riba e centro di conocimiento di un forma cu e funcion di e museo pa crea red di conocimiento ta keda fortifica. Esaki ta encera cu lo activamente inclui institucionnan internacional y den henter Reino cu ta enfoca riba e historia internacional di colonizacion y esclavitud.

*Salubridad y bienestar*

Gabinete ta desea di combati e influencia negativo di pasado di esclavitud riba tereno di salubridad y bienestar. For di un inventarisacion inicial entre e comunidad, entre otro, a surgi e efecto riba e salubridad (mental). Di e manera aki por tin un trauma intergeneracional caminda instancia regular no semper por ofrece e yudansa adecua. Nos ta tuma e señalnan aki na serio. Pa e motivo aki, Ministerio di Salubridad, Bienestar y Deporte (Volksgezondheid, Welzijn en Sport/VWS) ta desea pa, den cooperacion cu partidonan riba tereno di cuida di salubridad y bienestar y descendientenan di personanan esclavisa, desaroya un cantidad di intervencion concreto cu e meta di combati e influencia di esclavitud riba salubridad y bienestar di descendiente. Gabinete ta inverti aki €1,7 milyon por di fondo di pasado di esclavitud.

**Fecha**

22 di april 2024

**Kenmerk**

2024-0000172577

*Enseñansa*

Nos ta pone atencion riba e pasado di sclavitud den e ahustacion di e curiculo cu ta tumando luga. Den e elaboracion di e concepto meta principal pa ahuste di curiculo lo inclui, caminda relevante, proposicionnan tocante con pa anca racismo, discriminacion, antisemitismo, pasado colonial y historia di migración den curiculo. Riba 6 di maart 2024, a presenta e concepto di meta principal revisa pa civilismo y alfabetismo digital. Akiden ta trata tema di discriminacion y racismo. Na fin di aña 2024, lo entrega e concepto di metanan principal di e otro areanan di conocimiento, incluso mens en maatschappij (hende y sociedad). Eyden entre otro ta describi kico e alumno mester siña tocante historia.

Banda di esey ta desaroya un banco di fuente pa, unda ta necesario, sostene institucionnan di enseñansa basico y secundario hiba combersacionnan amplio tocante e pasado di sclavitud den nan klasnan. Tambe nos ta trahando riba educa oradonan invita pa asina facilita combersacionnan tocante e pasado di sclavitud den klas. Esaki lo ta comparabel cu e manera con nos ta traha hunto cu e fundacion 'Na de Oorlog'. Door di e oferta mas grandi di oradonan invita, e storianan personal di oradonan profesional invita por haya un luga den enseñansa.

Finalmente, den colaboracion estrecho cu e practica di enseñansa, nos ta bay compila un manual di pasado di sclavitud pa docente. E manual ta uni e conocimiento for di investigacion y ta contene recomendacionnan practico, incluso material practico manera poster y infografico di cual docentenan por cuminsa traha cu nan inmediatamente.

Gabinete ta pone disponibel €0,80 miyon pa e medida aki for di e fondo di pasado di sclavitud.

DEP	Intensificacionnan di maneho Hulanda Europeo	Suma * €1.000
J&V	Cambio di nomber gratis	€ 14.875,00
BZK	Comunicacion publico antidiscriminatorio	€ 1.700,00
SZW	Mantene norma social	€ 3.825,00
SZW	Ret educativo pa 20 municipio	€ 1.105,00
OCW	Herencia	€ 4.530,00
BZK	Programa di estudio plurianual	€ 1.700,00
OCW	Centro di conocimiento	€ 3.000,00
VWS	Salubridad y bienestar	€ 1.700,00
OCW	Enseñansa	€ 800,00
Total		€ 33.235,00

*Tabel 1. Intensificacionan di maneho Hulanda Europeo*

## 2.2 Intensificacionnan di Maneho pa e Parti Caribense di Reino

Hunto cu descendientenan y otro personanan involvi for di e region Caribense, nos ta tuma paso dirigi pa yega na haci uzo di e €33,3 miyon pa intensificacionan di maneho pa e parti Caribense di Reino. Akibou nos ta splica prome con nos lo coopera den e periodo benidero. Despues nos lo elaborsa riba e enfoke pa intensificacionan di maneho, esta, e agendanan di restauracion.

### *Organisacion di trayecto di continuacion Parti Caribense di Reino*

Secretario di estado di BZK a informa e gobierno y bestuurscollege di Aruba, Boneiro, Corsou, Saba, Sint Eustatius y Sint Maarten na comienso di e aña aki tocante dunamento di contenido na e suma di €33,3 miyon dos biaha pa intensificacion di maneho y areglo di subsidio. A pidi e gobiernonan y bestuurscollege pa nombra tres representante pa sigui hiba discusionnan cu BZK tocante e forma y contenido di e areglo di subsidio pa iniciativanan social y e balansa entre nan pa e intensificacionnan di maneho. Esaki ta inclui e presidente y secretario di e plataforma local of comision cu ta lantando y representante di experto gubernamental pa e dossier di pasado di sclavitud. Ademá di esaki, BZK lo bay den combersacion cu e representante aki tocante e agenda di restauracion cu mester wordo formula y e representacion Caribense den e Comite di Conmemoracion.

### *Intensificacion di Maneho*

Pa e suma di €33,3 miyon pa medida pa conscientisacion, involucracion y impacto lo tuma e compromisonan di 19 di december 2022 y lo pone nan den e asina yama "agenda di restauracion". Esaki por wordo mira como un programa cubrido caminda e diferente proyectonan desea (c.q. intensificacion di maneho desea) y gasto calcula y periodo di tempo por wordo inclui.

Riba cada isla tin un comite of plataforma activo of den fundacion, cu ta atende e disculpa. E plataforma y comite aki ta inclui representante di gobiernonan local, organisacionan comunitario y descendientenan. Hopi biaha nan ta of tabata trahando caba riba e aumentacion di conscientisacion.

E punto di salida ta cu e plataforma local respectivamente e comite en conexion cu gobierno local y comunidad lo sigui duna forma na e agendanan di restauracion, di forma cu esakinan por ricibi un sosten amplio. Pa facilita formulacion di e agendanan aki, un comite of plataforma pa cada isla lo ricibi un subsidio di un un biaha so di €25.000. E meta di esaki ta pa crea espacio (financiero) pa como organizacion sigui cu e tema aki, pa por tuma experto, pero tambe pa organisa envolvimiento comunitario. Lo discuti cu e parti Caribense di Reino den cua manera ministerio di BZK por sigui facilita e formulacion aki.

## **3. Areglo di subsidio pa iniciativanan social**

Manera ya notifica den nos carta di 15 di februari ultimo, un suma di €33,3 miyon ta disponibel pa tanto Hulanda Europeo, parti Caribense di Reino como tambe pa

**Fecha**

22 di april 2024

**Kenmerk**

2024-0000172577

Suriname pa e areglo di subsidio pa iniciativanan social.<sup>7</sup> Basa riba e sesion di dialogo teni ultimo herfst, a crea dos concepto di areglo di subsidio cu principio similar pero adapta pa Hulanda Europeo y parti Caribense di Reino. E puntonan di salida ta mescos pa e dos areglonan. E recursonan mester ta facilmente accesibel pa e recipientenan aspira, cu garantia di eficacia y legitimidad di e uzo di e recursonan.

Di 16 di februari te 16 di maart, e areglo pa iniciativanan social na Hulanda Europeo a pasa pa un consulta riba internet, mientrastanto e areglo pa Caribe a keda habri pa consulta for di 1 di maart te 1 di april. E resultado di e consulta aki y e aporte di e encuentro di progreso di 31 di januari ultimo lo keda tuma den consideracion den e proceso pa yega na un areglo definitivo. Un rapport di e resultado di e consulta riba internet lo wordo publica riba e website relaciona y lo wordo incorpora den e splicacion di e areglo. Ta trata na publica ambos areglo riba 1 di juli 2024 sigui pa e posibilidad pa entrega peticionnan den fin di e aña aki, mas tarda.

#### **4. Suriname**

E punto di salida na Suriname ta mescos cu na Hulanda Europeo y e parti caribense di e Reino, esta cu lo duna contenido na continuacion di e disculpanan den consulta cu descendientenan y cu otronan involvi. Akibou lo splica e pasonan cu a tuma pa esey desde 1 di juli 2023.

Dia 1 di juli 2023, minister di Asuntonan Exterior a participa den e celebracion di Ketj Koti na Paramaribo, unda, na nomber di e gobierno Hulandes, el a ofrece disculpa riba suela Suriname pa e pasado di sclavitud Hulandes. Hunto cu e palabranan cu Su Mahestad e Rey a pronuncia dia 1 di juli 2023, na Suriname esaki por a conta cu aprobacion. Nan ta considera esaki como un paso importante riba e caminda pa sanacion y reconciliacion.

E Enviado Special Pasado di Sclavitud pa Suriname (desde awo: Enviado Special), nombra pa Ministerio di Asuntonan Exterior, a continua su trabou na Suriname den cooperacion cu embahada Hulandes na Paramaribo. Te cu awe, e Enviado Special a bishita Suriname seis biaha y a tene combersacionnan cu e coordinador pa pasado di sclavitud nombra pa gobierno di Suriname, ex-minister Silvano Tjong-Ahin, como tambe cu varios descendiente y otro personanan involvi, incluso representante di comunidad indigena y marron na Suriname. Su mandato a keda prolonga pa e duracion di e Aña di Conmemoracion.

Basa riba e resultado di e dialogo amplio aki, Suriname tin e intencion di crea un plataforma cu representante di e grupo mas involvi. Presidente di Suriname lo instala e plataforma aki, cual lo permiti Suriname y Hulanda pa tin un dialogo dirigi riba e asignacion di e recursonan disponibel (€33,3 miyon pa iniciativanan social y €33,3 miyon pa intensificacionan di maneho).

---

<sup>7</sup> Documentonan di Kamer 2023-2024, 36284 nr. 36.



## 5. Conmemoracion

Conmemoracion ta un practica bibo y importante. E sesionnan di dialogo den herfst cu a pasa un biaha mas a demostra esey. E combersacion cu descendientenan y otro personanan involvi no solamente a enfatisa e balor di conmemoracion pa reconocimiento y conexion, pero tambe e importancia di diferente enfoke di conmemoracion. Aki bou ta describi con Gabinete ta tuma e resultado di e sesion di dialogo relaciona cu Comité di Conmemoracion y e progreso di e Aña di Conmemoracion.

### 5.1 Comité di Conmemoracion

Un conclusion importante for di e sesion di dialogo ta cu no tin un solo manera pa conmemora. Esaki ta traduci su mes den diferente necesida. Di un banda tin e necesidad pa conmemoracion for di cada historia y cultura, di otro banda tin e necesidad pa un conmemoracion caminda tur hende por identifica nan mes.

Den e periodo benidero, e gabinete lo continua e dialogo cu NiNsee y otro organisacionnan involvi cu conmemoracion den e Reino y na Suriname, pa yega na un Comité di Conmemoracion pa henter Reino. E punto di salida pa e comité ta representacion igual di e diferente comunidannan cu un background transatlantico na Hulanda Europeo, na e parti caribense di e Reino, y na Suriname. Ta trata na por presenta e tarea cu e Comité tin cu carga y e presidente di e Comité riba 1 di juli 2024. E Comité lo ta, mas tarda, operacional den fin di e aña aki.

### 5.2 Aña di Conmemoracion di Pasado di Sclavitud

Maske Aña di Conmemoracion di Pasado di Sclavitud ta termina dia 1 di juli 2024, pero manera e carta aki ta demostra: conmemoracion no tin fin y no tin fin tampoco na e atencion pa e pasado di sclavitud. E Aña di Conmemoracion a causa un movimiento, cu atencion amplio, reconocimiento, dialogo y construccion di conocimiento tocante e pasado di sclavitud. Awor cu e movimiento aki ta existi, nos ta traha hunto pa un dialogo structural tocante nos historia comparti, pa conocimiento y conscientisacion den comunidad, pa conmemoracion conhunto y pa combati consecuencia di e pasado di sclavitud. En conexion cu nos carta anterior na Kamer nos kier comparti algun desaroyo den e ehecucion di Aña di Conmemoracion.

Manera a comparti prome cu Kamer, den cuadro di e Aña di Conmemoracion a lanta dos areglo di subsidio cerca e Fondo pa Partisipacion Cultural (Fonds voor Cultuurparticipatie) y e Mondriaan Fonds. E areglonan ta suma €7,2 miyon en total: €6 miyon for di Reino, y €1,2 miyon for di Fondo pa Partisipacion Cultural mes. A cera e areglo di Mondriaan Fonds caba, pero e areglo pa Fonds voor Cultuurparticipatie ta habri ainda, cu mas o menos €1,6 miyon restante na presupuesto. Mientrastanto, a sostene 200 proyecto na Hulanda Europeo y parti Caribense di Reino. E proyectonnan cu a keda sosteni ta varia for di arte visual y herencia, arte di podium y literatura, pero tambe podcast y dialogo, sesion di *safe*

**Fecha**

22 di april 2024

**Kenmerk**

2024-0000172577

*space*, tayer, conmemoracion y celebracion. Den anexo 4 tin un resumen di e iniciativanan aki di Mondriaan Fonds y Fondo pa Participacion Cultural.

Ademas, Fondo pa Participacion Cultural a nombra exploradornan pa sostene iniciadornan na tur dos parti di Reino den e proceso di skirbi y entrega peticionnan pa proyecto. Asina nos ta sigura cu tur hende ta capaz pa entrega nan peticionnan, tambe e iniciadornan cu tin tiki of no tin hopi experiencia cu esaki. Tambe nos ta preveni cu cierto grupo ta bini menos na remarke pa sosten for di e areglonan di Aña di Conmemoracion.

Den cuadro di e Aña di Conmemoracion, OCW ta facilita cooperacion internacional di conocimiento riba e tereno di pasado di sclavitud. OCW ta pone recursonan disponibel cu ta designa pa diferente pais por haci investigacion riba e pasado di sclavitud. Pa cooperacion cu Aruba, Corsou y Sint Maarten a pone €375.000 disponibel te cu aña 2027. Tambe tin presupuesto disponibel pa Bonaire, Saba y Sint Eustatius y nos ta buscando hunto cu Suriname, Sur-Africa y Indonesia un forma con pa implementa un leerstoel pa facilita investigacion den e regionnan aki. Actualmente ta trahando riba e desaroyo di e cooperacion aki.

E campaña online 'Historia, di nos tur' ('Geschiedenis, van ons allemaal') a keda lansa na november. Central den e campaña aki ta e storianan personal di hende tocante pasado di sclavitud y e impacto di esaki den presente. Riba [www.OCW-verhalen.nl](http://www.OCW-verhalen.nl) y e canalnan di medio social di e ministerio y di e participantenan ta comparti e storianan aki.

NiNsee lo organisa clausura di Aña di Conmemoracion di Pasado di Sclavitud. NiNSee mes lo organisa e Conmemoracion Nacional di Pasado di Sclavitud y Festival Keti Koti na Amsterdam. Organizacionnan local di e islanan lo organisa e conmemoracionnan, celebracion y encuentronan na Aruba, Boneiro, Corsou, Saba, Sint Eustatius en Sint Maarten cu un contribucion di NiNsee, si nan ta desea esaki.

## **6. Museo Nacional di Sclavitud**

Ta trahando activamente riba e realizacion di un museo nacional di pasado di sclavitud na Amsterdam, riba iniciativa di habitante di Amsterdam y Gemeente Amsterdam mes. For di 2019, tambe Reino ta involvi y ta yuda pa logra su realizacion. Desaroyo di e museo di sclavitud ta parti di e perspectiva tapa di e conocimiento colectivo tocante pasado di sclavitud y cu esey parti di nos memoria colectivo.

Dia 15 di februari ultimo, tres kwartiermaker a presenta e businessplan museal pa e Museo Nacional di Pasado di Sclavitud, den presencia di descendencia y stakeholders. E proposicion ta añadi como anexo (mira Anexo 5).<sup>8</sup> Cu e plan aki tin un trayecto amplio di participacion. E kwartiermakernan a tene encuentro den

---

<sup>8</sup> Pa e informe completo incluyendo anexionan, mira <https://www.amsterdam.nl/diversiteit/nationaal-slavernijmuseum/vertel-hele-verhaal/>. Na e base di e plan 'Vertel het hele verhaal' ta yase riba un exploracion amplio i participacion: <https://www.amsterdam.nl/diversiteit/nationaal-slavernijmuseum/over-ons-met-ons/>.

**Fecha**

22 di april 2024

**Kenmerk**

2024-0000172577

henter Reino y pafo. Nan a cuminsa na Sint Maarten, Sint Eustatius, Saba, Aruba, Boneiro, Corsou, y Suriname. Nan a papia cu mas di 5000 persona di Zeeland te Groningen y di Amsterdam te Maastricht. Tambe nan a busca informacion y inspiracion na Estados Unidos y Benin. Riba 2 di april, Consejo pa Cultura y Consejo di Cultura di Amsterdam (Raad voor Cultuur y Amsterdamse Kunstraad) a duna un consejo conhunto tocante e plan.<sup>9</sup>

For di medio di acuerdo di coalicion pa cultura OCW reserva pa esaki €29 miyon riba presupuesto di OCW. Tambe colegio di B&W di Gemeente Amsterdam a reserva €29 miyon. Prome cu zomer tumamento di decision lo tuma luga den Amsterdamse gemeenteraad tocante e siguiente paso den desaroyo di e museo. Gemeente Amsterdam y OCW ta den combersacion tocante e siguiente desaroyo di e museo. Kamer lo ser informa di esaki prome cu zomer door di minister di OCW.

#### 6.1 Red di herencia Caribense

Cu e disculpa pa pasado di sclavitud, gabinete a priminti 'un impacto local di e museo di sclavitud' na Aruba, Boneiro, Corsou, Saba, Sint Eustatius y Sint Maarten. Tambe, e mocionnan di miembro Klaver (GroenLinks-PvdA) y Leijten (SP) a yama pa, den coordinacion cu partido local, reforsa e museonan Caribense y ta involvi den conservacion y maneho di herencia di pasado di sclavitud.<sup>10</sup> For di e combersacionnan cu BZK y OCW a hiba tocante esaki cu partidonan den e parti caribense di e Reino den e aña cu ta tras di lomba, e necesidad pa un fortificacion duradero di e infraestructura cultural ta bin dilanti. E instancianan local di herencia y e profesionalnan di cultura no kier un sucursal di e museo nacional di sklabitud, sino apoyo pa preserva, maneha y presenta e patrimonio, nan mes. Ademas, nan ta enfatisa e importancia di colaboracion entre e islanan/ paisnan mes, y di ta parti di rednan di conocimiento den e region caribense y e Reino.

P'esey, Ministerio di OCW ta traha cu partidonan involvi na e islanan pa un proposicion pa cooperacion entre isla riba tereno di herencia. Como prome paso un grupo di profesional di patrimonio a organisa sesion di trabou entre 29 di februari te 2 di maart, cu facilitacion di OCW. Nos ta señala e necesidad pa sigui traha den un manera mas amplio riba proposicion entre e islanan riba tereno di por ehempel museo, archivo, arkeologia y herencia inmaterial. E iniciativanan cu ta resulta di esaki por wordo incorpora den agendanan di (restauracion) y lo wordo financia for di e €33,3 miyon pa intensificacionnan di maneho pa e parti Caribense di Reino.

### 7. Introduccion di ley di trato igual na Boneiro, Sint Eustatius y Saba

Te awor, ley di trato igual no ta aplicabel na parti Caribense di Hulanda. Den e carta di 23 di januari 2023 na Kamer, minister di BZK a compromete pa inicia proseso legislativo pa haci ley di trato igual aplicabel den parti Caribense di

<sup>9</sup> <https://www.raadvoorcultuur.nl/actueel/nieuws/2024/04/02/advies-nationaal-slavernijmuseum>.

<sup>10</sup> Documentonan di Kamer 2022–2023, 36 284, nr. 13. Documentonan di Kamer 2022–2023, 36 284, nr. 20.

**Fecha**

22 di april 2024

**Kenmerk**

2024-0000172577

Hulanda.<sup>11</sup> Cu e proposicion pa Ley di Proteccion contra Discriminacion riba e islanan BES, e leyman di trato igual ta bira aplicabel integral na Boneiro, Sint Eustatius y Saba (e islanan BES). Den e proposicion, tambe a inclui creacion di un instancia anti-discriminacion pa raporta keho, yudansa y conseho den caso di discriminacion na e islanan. Tambe, Colegio pa Derecho di Hende lo haya un tarea di haci huicio riba e tres islanan. E departamento di conseho di Raad van State a dicidi riba e conseho tocante e proposicion di ley y esaki a keda publica riba 18 di maart ultimo.<sup>12</sup> Durante tratamento parlamentario di e proposicion di ley, cu nos ta spera lo tuma luga den 2024, e preparacionnan practico pa e descubrimiento y Colegio lo sigui haya atencion.

**Pa conclui**

Den e periodo pasa nos a haci paso importante y a logra resultado concreto. Na mes momento, nos ta constata cu tin un caminda largo dilanti di nos. E proceso pa logra conscientisacion, sanacion y procesamento den tur parti di Reino y Suriname ta exige un esfuerso duradero di gabinete. Den e siguiente periodo nos lo sigui traha hunto cu descendientenan y otro interesado pa duna forma na e proximo pasonan.

Secretario di Estado di Relacion den Reino y Digitalisacion

Alexandra C. van Huffelen

Minister di Asuntonan Interior y Relacion den Reino,

Hugo de Jonge

Minister di Asuntonan Exterior,

Hanke Bruins Slot

---

<sup>11</sup> Documentonan di Kamer II 2022/23, 36 200 IV, J.

<sup>12</sup> <https://www.raadvanstate.nl/adviezen/@140443/w04-23-00344/>.

**Fecha**

22 di april 2024

**Kenmerk**

2024-0000172577

Minister di Enseñansa, Cultura y Ciencia,

Robbert Dijkgraaf

Minister di Asuntonan Social y Empleo,

C.E.G. van Gennip

Minister pa Proteccion Huridico,

F.M. Weerwind

Secretario di Estado di Salud Publico, Bienestar y Deporte,

Maarten van Ooijen

Secretario di Estado di Enseñansa, Cultura y Ciencia

Fleur Gräper-van Koolwijk

**Fecha**

22 di april 2024

**Kenmerk**

2024-0000172577